

之暮天地黑漫漫不知其中誰是巖主真得諸天散花之無路  
千聖眨眼之無蹤夫如是之謂松巖是巖者以一塵爲虛空三  
千世界以一念爲閻浮八千歲年敬爲銘曰松青青巖冥冥居  
其中卽空生

蒙菴序

爲熊仲立賦

閻山熊郎本儒者家去而師聘以蒙扁菴夫良上坎下山下出  
泉示其有所養也良止也老聃所謂知止坎習也聃所謂致虛  
惟其知止致虛融而爲蒙則聃所謂專炁致柔之義熊師可謂  
深於聃者敬爲之叙

送朱都監入閩序

道藏輯要

白真人集

西 又叢集一

走生不辰無聞於人之國少從南海過東海復繇山南行山西  
黃卷不靈青蛇無效去而爲老氏子之徒平生翰墨半天下一  
無所裨於身名沈江漢影墮山林已矣夫造物者或已肯憐之  
世間有字之書無不經目人可能者吾能之不爲知己者亦有  
數今吾寂寞之濱久與間矣儻爲業風吹來閣皂首識總宮大  
洞冲妙專寂先生朱君相與宿留凌雲峰之下晨登卧雲菴夜  
步鳴水臺觴咏甚樂自非神交道契何以一見便如平生歡亦  
足以慰矣君將遊泉南走亦欲日邊念不可無一語以別夫泉  
在南方濱海而成蠻獠貊艘之所聚北有清源洞東有金粟山  
臂莆田而脇清漳諺曰佛國也君往何圖焉君謂閩皂新爲山

房欲往謀之於留雲麓走思之雖不識雲麓頃年固嘗聲跡相聞矣走南中無甚佳相識獨諸葛桂隱留紫元莫逆之交也紫元稟賦怯別來未知其如何也桂隱聰邁之士甚豪放亦坐於清貧或出土也走在林間無從知之君到彼須見李曜菴諸公或有問者當告之以走猶未死也尹真老氏之白眉父兄皆文而仕君獨奮而出遽乃冠褐其身若道若法若術能窮其倪如崇真古宮弊不可支君能中外悉新之舊積逋如山君以儉而盡補之今俗矣山中人稱九十年無此管轄也君果賢哉君適泉南則將置猿鶴於何地付煙霞於何人耶君笑而起新秋在序露玉風金老火已消山寒水瘦頗宜君舟車之興後夜月明

道藏輯要

白真人集

五

又婁集一

風爽一杯一話盍更思走乎

鏡溪序

鍾陵爲郡其城東際有阿蘭若號爲澄心在乎鏡溪之上朝緩暮鶴煙裏嘯號露竹風松溪頭掩映平波萬頃冷浸菱花止水一泓寒生鸞影所以謂之鏡溪也溪山之秀必出英賢英賢之生是必秀異故澄心有一人焉今玉几之記室也苟非英賢秀異詎可勝其在哉師名明心卽其所居以鏡溪爲道號蓋取水嘉心鏡之義也夫心者澄之不清穢之不濁其非鏡乎窮之益深測之益遠其非溪乎輝天照地耀古騰今瑩淨無痕虛明徹底其鏡溪之謂也虛寂一靈只是這個森羅萬象總在其中截